

Vos autem, qui contemptores nostrae iussionis extitistis, sive canonici sive 801 ex. vel
monachi vocamini, ad placitum nostrum, iuxta quod praesens missus noster^{a 1} vobis 802
indixerit, nobis vos adsistere scitote. Et, quamvis ad nos missa hic factae seditionis
vos excuset epistola, venite et condigna satisfactione inustum crimen eluite^b.

248.

5 *Alcvinus Arnoni archiepiscopo Salisburgensi discipulum quendam tuendum mittit.*

801 ex. vel 802.

Codd. S 1 fol. 162' (S 1 fol. 77—77').*

Edd. F 120, J 183. — Migne col. 416.

10 DILECTISSIMO AQUILAE ALBINUS MATRICULARIUS PERPETUAE BEATITUDINIS
IN CHRISTO SALUTEM².

Direxi hoc^a animal, vitulum enchiridion^b meum; ut adiuves illi^c et eripias eum
de manibus inimicorum suorum. Et adiuva, quantum valeas. Quia venerabilis epi-
scopus³ multum ardet super nos, id est Teodulfus. Misi quoque in ora pueri huius,
quamvis vitulus contra naturam rationale sit animal, quod ipse in auribus sanctitatis
15 vestrae habet mugire.

Habeo enim illum ad erudiendum Deo mecum in domo mea. Et poterit pro-
ficere, Deo donante, in lectionis studio seu grammaticae artis disciplina^d in domo sancti
Martini. Ó Aquila! 'Hi in curribus et hi in equis; nos autem in nomine Domini nostri Ps. 19, 8.
magnificabimur'.

20 Valeas vigeas semper in aeternum.

249.

*Alcvinus Carolo imperatori se fratresque S. Martini Turonenses excusat de tumultu
facto contra Theodulfum episcopum Aurelianensem; veniamque petit.*

801 ex. vel 802.

Cod. H fol. 86—89^a.

25 *Edd. F 195, J 184. — Migne col. 395.*

DOMINO EXCELLENTISSIMO ATQUE OMNI HONORE DIGNISSIMO CAROLO REGI IMPERATORI ATQUE
AUGUSTO VICTORIOSISSIMO MAXIMO OPTIMO ATQUE SERENISSIMO ALBINUS MATRICULARIUS
PRAESENTIS PROSPERITATIS ET FUTURE BEATITUDINIS AETERNAM IN DOMINO DEO CHRISTO
SALUTEM.

30 In prima harum facie litterarum mihi ex toto corde gratiarum actiones domino
Deo nostro agendas esse video pro sospitate et salute vestra, non solum mihi sed
omnibus christianis valde necessaria. Deinde a pietate vestrae bonitatis misericordia —
corpore prostrato, corde contrito, voce lacrimabili — deprecanda est pro fratribus
sancti Martini, in quorum me servitium vestra bonitas quamvis minus dignum delegavit.

35 Deum invoco testem conscientiae meae, quod nunquam eos tales intellexi, quales
audio illos a quibusdam denotari, qui paratiores sunt accusare quam salvare. In quan-

^a) n̄ C. ^b) secuntur notae Tironianae, quas W. Schmitz (*Monum. tachygraph. I, 35 adn.*) ita
explicat: Hi veniant Ga us (?) basilicae et decanus et praepositus et Giraldu, filius Gislarii, et
Gislefridu presbyter et Sifridu presbyter et alii ex fratribus, quoscumque elegistis, et sex matricularii.

40 248. ^a) ho corr. in o S 1; hoc J. ^b) encheridion S 1. ^c) sic. ^d) disciplinam S 1.

249. ^a) Lemma: Ad Carolum excellentissimum imperatorem H.

1) Teotbertus; v. p. 402 lin. 25. 2) Cf. quae ad hanc epistolam Sickel adnotavit (*Alcuinstudien I. I.*
p. 489) et infra ep. 270. 3) Aurelianensis.